

陸宣公全集釋義十



庫文閣内			
函	冊	號	類
八	一	四〇	漢書
函	冊	二四	

庫文閣内			
函	冊	號	類
三	一	四九	漢書
函	冊	二四	

庫文閣内			
函	冊	號	類
六	一	三八	和
函	冊	四一	

庫文閣内		
番號	和	38451
冊數	12	(10)
函號	206	677

別集百八十五
共十二



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



陸宣公集釋義卷之十九 漢草文庫

日本

尾張

石川安貞

新編 著

制誥

奉天遣使宣慰諸道詔

古者天子巡狩之義以考國典

書舜典歲二月東巡狩協時月正日同律度量

衡傳諸侯為天子守以觀人風

記王制命大師陳詩以觀民風命市納賈以觀


志之好所好惡在時多虞或所不暇乃命卿士使於四方

問人疾苦廉吏善惡苟副所任則如親臨在理平之時

尚資勤恤當喪亂之際得無省憂朕以不敏肆於人上

撫馭失道誠感未孚寇盜繁興阻兵拒命哀哉臣庶陷

於匪人顧茲田疇鞠為茂草詩小弁文不念柔復遽命



徂征徵發兵甲萬里必至暴露營壘連年不息冒於鋒
刃繼以死傷發無依父母廢食存者積思家之怨歿
者倍異鄉之痛又以軍費滋廣公儲不充厚取於人罔
率厥典科條互設計斂無常農工廢棄其生業商賈咨
嗟於道路軍營日益閤井日空凋瘵日窮徭役日甚以
財力之有限供求取之無涯暴吏肆威鞭笞督責嗷嗷
黔首史始皇紀二十六年更名黔黎黑也控告何依怨氣上騰
咎徵斯應疫癘荐至水旱相乘罪非朕躬誰任其責朕
自嗣位迄今六年連兵不解已踰四稔雖本非獲已義
在濟人而事乃重勞敢忘咎已皆以朕之寡昧居安忘
危致寇之由實在於此予則不德人亦何辜愧恨積中

痛心疾首昨者改元施令悔往布新將反側獲安則干

戈日弭賦役差減則衆庶就康還定流亡與之休息猶

懼思慮未周於庶務誠感未達於遐方一理失中士夫

不獲則何以謝天譴致人和俾代予言其在良弼書說命帝

賚予良弼傳輔弼良佐宜令門下侍郎同中書門下平章事蕭復

充山南東西鄂岳荆南江西淮南浙江東西嶺南福建

等道宣慰安撫嗚呼往率乃職敬敷朕命慰勉征戍勞

徠困窮訪其所安察其所弊淹滯必達冤濫必申無憚

幽遠而不被無略細微而不恤洎乎編毗比屋咸若朕

之躬親股肱惟良予則有賴其諸道將士並准今年正

月一日制嚴備疆界勿使侵擾仍各令本使本將速具

名銜等聞奏悉與甄叙其殊功勁節超越常倫別條狀
績當特優獎百姓除每年兩稅定額外自餘徵率一切
並停課勸農桑各令安業寇難既定漸息干戈朕當躬
先簡約庶務節省兩稅之內亦更減除其諸道事緣急
切須處分者即與所在節度觀察使商議裁度務合便
宜其餘利害還日條奏朕當詳省以擇厥中宣布遠邇
咸使聞知

收復京師遣使宣慰將吏百姓詔

朕獲承先顧付以大器懼德不類貽列聖羞虔恭惕厲
罔敢暇逸將欲立法齊一致俗和平小信未孚左傳莊
十年語
註乎大衆心遂阻事理乖當百度失中君臣之間鬱堙
信也

不達致寇雖深於罪己興戎猶昧於省躬期靖亂以濟
人反勞師而黷武行者被殺傷之苦居者重齎送之勞
四海騷然靡有寧處京輦之下杼軸亦空環列之中遣
戍殆盡略內以勤遠居安而忘危賊臣誘姦乘間竊發
豺狼穢於宮闕士庶陷於塗炭作威肆戮仇視我人萬
姓嗷嗷呼天罔告有殞路以抗節有脅從以假命且一
夫不獲辜實在予朕君臨萬邦作人父母既不克覆育
又從而咎之其心愧耻一食三歎退舍內訟介於梁岷
庶乎有瘳以答譴戒皇天悔禍宗社降靈腹心爪牙奮
謀宣力元惡稔慝脫身逃遁餘黨歸誠率衆欵附掃氛
沴而闢閭闔楚辭遠遊排闥闔而望予註天門也翦鯨鯢左傳宣十二年

之註喻不義之人吞食小國以清郊原函夏載寧楊雄河東賦函夏之大註函夏華夏

也室家相慶非將士夾輔王室左傳僖四年夾輔周室非卿相交

修予違軍旅叶心畢命盡敵豈伊寡昧克復興運戡定

大難載感予懷宜令吏部侍郎班宏充上都宣慰使勞

問將士撫綏烝黎招輯流亡慰安反側朕續整飭法駕

擇日還京告謝於祖宗請罪於天地策勲行賞大報忠

烈銘功永代與國同休明宜朕懷咸使知悉

平淮西後宴賞諸軍將士放歸本道詔

朕纂奉丕業託於人上仁不被物義不勝姦頌聲茂聞

公羊宣十六年十一者天下之中正也什一行而頌聲作矣暴亂連起叛臣希烈竊

據淮沂誠則彼夫無良亦由朕之不德撫御之道失之

於初師旅一興綿聯莫解服勞者從役不暇受汗者無

路自新旱蝗相乘穀糴翔貴兵氓餒死十室九空通邑

化為丘墟遺骸遍於原野每念於此傷心涕流且自昔

勞師靡有不悔以虞舜之聖屈於苗人漢武之強弊於

戎虜矧乎德猶不逮力或未全我其永懷求己自警乃

者下哀痛之詔布寬大之恩普天載新殊死必宥然尚

勞師旅作扞邊陲有累歲棄離家室有經時不解甲冑

忠雖為國咎實在予君人若斯寧不知愧賴節將士旅

一其誠心奮發武威慎固疆宇遠人思服元惡就誅烝

黎方致於安寧役戍永期於休息懋官以旌善書仲虺

懋懋官傳勉於德錫宴以勞功詩出車勞還率也階韓

者則勉之以官

吳本節帥

金城禦備胡寇即拜涼州總管俄賞不踰時司馬法賞

徵還京上宴之內殿恩禮殊厚民速得為式遵彝典都統檢校司空同中書門下平章

事劉從一並與子孫一人五品正員官鄭滑節度使檢

校尚書右僕射李澄檢校兵部尚書曲環檢校戶部尚

書李臯兼御史大夫樊澤等並與子孫一人七品正員

官都防禦使工部尚書御史大夫賈耽都團練使檢校

左散騎常侍唐百官志掌規調兼御史大夫盧玄卿兼

御史大夫張建封等並與子孫一人八品正員官檢校

司空同中書門下平章事李抱真檢校司空同中書門

下平章事李納檢校尚書右僕射同中書門下平章事

韓滉檢校工部尚書御史大夫田緒咸遣士旅遠赴行

營同討不庭厥有成績抱真納滉且並與子孫一人七

品正員官緒與子孫一人八品正員官應與淮西接界

州縣本界鎮守及諸道赴行營將士等宜共湯非賜物

三十萬端足以充賞設度支即約據界首及行營軍額

分配定數逐便支送仍委本道都統節度防禦都團練

使即條錄功第名銜聞奏並與甄叙其行營將士仍各

放歸本道明加宣諭令悉朕懷

授王武俊李抱真官封并招諭朱滔詔

三公之職論道經邦書周序五行之和書周官燮任百

事之理歷代崇重不常厥官天祚皇家茂生才傑比義

齊列同寅協恭書卑陶謨文以德允台階之望後漢即

傳同敬合恭

頤傳三

卷之十九

五

五

五

公上應合階漢東方朔傳泰階註天之三階上階以勳
為天子中階為諸侯公卿大夫下階為士庶人詩節南山赫赫

當并賦之賜聿湯作非應並命式副具瞻師尹民具爾瞻

傳師大帥周之三開府儀同三司檢校司空同中書門
公具俱瞻視也

下平章事使持節通典唐有總管亦加號使持節恒州諸軍事守恒州

刺史充成德軍恒異深趙等州節度觀察處置等使瑯

邪郡王王武俊秉志沉密臨事能斷忠而致力勇且有

仁奮發之初渠魁即戮危疑之際大節首彰開府儀同

三司檢校尚書左僕射同中書門下平章事潞州大都

督府長史昭義軍澤潞磁邢等州節度觀察處置度

支營田等使上柱國符陽郡王李抱真質重氣和內精

外朗智窮變化守必以常學本明誠動有攸利謀猷屢

告規益孔多皆戮力盡瘁志匡王室陳師鞠旅詩米芑文箋陳

列其師旅同討不庭仗大義而萬象叶心體至公而千

里同契合軍於呼吸之際決策於指揮之間并轡載馳

執桴親鼓兇徒殄殪河右廓清國家無北顧之虞茲慝

阻南侵之計時乃同德厥功茂焉敷五教而阜人均九

土以居衆俾爾更踐備揚鴻休乃加真實以貽後嗣武

俊可檢校司徒同中書門下平章事抱真可檢校司空

同中書門下平章事賜實封五百戶嗚呼古人有言曰

惟理亂在庶官書說命文矧惟輔臣與國同體明朕德命爾

其欽承朕嗣位不明輕費尚力謂武可以靖暴慢謂刑

可以懲奸邪德之不修亂是用長士馬疲耗烝庶流離

罪非朕躬誰任其咎自去歲遭變再經播遷歷山川之險艱知軍旅之勞苦惟省前過悔恨盈懷追遠事而不及度後圖之可補以九廟為重而不憚屈身以百姓為心而不專私欲苟可以保安社稷休息甲兵弘濟蒼生蠲省徭賦含垢忍耻予無難焉朱滔受任薊門累著誠績委遇既重封秩亦崇臣節中虧建中三年舉兵反自稱王自貽伊阻詩雄雉文傳伊維阻難也洎賊泚僭竊上京兄弟之親在法無赦朕以罪不相及左傳僖三十三年引康誥曰父不慈子不祗兄不友弟不共不相及也情有可原待以如初之誠廣其自新之路執迷不復固湯本非因敗是求蹙喪而歸既困方悟累獻款疏深陳懇誠省之惻然良用憫歎雖將相嫉惡之志固所難容以君

叛而伐之
服而舍之
左傳宣十
二年文

上懷柔之情未忍拒絕且善莫大於改過德莫盛於好生叛而伐之服而舍之銷難愛人實惟朕志宜委武俊抱真開示大信明加曉諭若誠心益固善蹟克彰朕當掩襲錄勲與之昭雪宣告衆庶咸使聞知

招諭淮西將吏詔

舊唐德宗紀興元元年閏十月

朕臨御已來連兵不息自經播越方歷險艱耳聞鞀鼓之聲目視殺傷之苦由是覺悟悔於興師既省已以知罪亦欲人之遷善至乃歲有再赦唐德宗紀貞元元年正月丁酉大赦十一月大赦癸卯事有屢言務於撫綏不憚煩冗冀朕之誠信日布冀入之患難日除每議用兵惻然不忍而賊臣希烈煽禍滔天虐用其人介視厥衆狼心多忌梟性無親以

芟伐立威以稽刻為志朝為昵比夕為仇雙肆其芟夷
蔑若草芥憑陵汝海流血盈川侵軼浚郊積骸遍野農
耕廢業井邑成墟積彼妖氛發為災厲蕭條千里無復
人烟朕哀彼生靈陷于塗炭苟存拯物不難屈身故於
首春特布新令赦其殊死待以初誠使臣纔越於郊畿
巨猾已聞於僭竊酷烈滋甚吞噬無厭將相大臣咸懷
憤激繼陳章疏固請除討朕以所行天誅本去人害兵
戈既接玉石難分言念忠良遭忠良遭舊唐書作勲臣橫罹脅制雖
欲却陳臣節厥路無由受汗終身銜冤沒代淪胥以逞
誠足痛傷宜令諸道節度使每欲進軍先加曉諭今所
致討唯止元兇其餘脅從一切不問如能去逆效順因

事建功明設科條以示褒勸其有一州降者便授刺史
封異姓王賜實封五百戶以一萬人已上降者授刺史
封國公賜實封三百戶其餘各據功效節級甄升列爵
建官以俟能者朗然明信朕不食言書湯誓文傳食言盡其言偽不實宣
示遠人各令知悉

招諭河中詔

舊唐書李懷光傳貞元元年秋朔方部將牛名俊斬懷光首以降

朔方諸軍應在河中絳州朝邑將士等並以義烈繼代
勲業冠時艱虞已來常濟國難肅宗代宗再復京邑皆
是朔方將士之功懷光所部本朔方節度使郭子儀所部也去歲朕在奉天
兇黨攻逼解圍赴急亦賴此軍言念爪牙情均骨肉濟
朕危厄感之豈忘頃以懷光背恩自生猜阻焚惑將士

汗魯忠良朕頗降詔書再三曉諭皆被懷光隱匿兼亦志有加誣朕之誠懷竟未宣布夙夜自愧寢食不安時屬嚴凝屢頒衣賜豈以懷光一人拒命遂令將士俱不沾恩朕於功臣義存終始其朔方及諸軍應在河中絳州朝邑將士等今年春冬衣賜並准二月二十一日勅緣赴奉天解圍功臣等第給錢物宜令所司并許計料別收貯待道路通流卽當時支遣其有歸順者續給其將士等有先賜實封一切准元勅並州給牒委馬燧渾瑊逐分送付其差人請受仍明加宣諭招撫務令忠義之士各悉朕意

安撫淮西歸順將士百姓勅

李希烈首亂淮濱又侵榮汴光威所及罔不脅從百姓旣罹於網羅將士兼質其家口哀我衆庶銜冤莫伸雖欲歸降何由自達朕爲人父母不克保安遂使忠良橫遭脅汙興言憫悼思惻深衷今王師四臨所至剋捷將士百姓效附甚多或棄其鄉園或指其家族脫身效節良有可嘉特宜撫綏以獎誠效應淮西界內及鄭汴等州將士歸順者委所在節度防禦等使便與收管切加存恤優給資糧仍各具名銜聞奏當與甄獎并給遣衣賜其百姓從賊界內歸順者亦委所在觀察使刺史量以本道諸色錢物賑給令得存濟如情願便住者卽配與死戶田宅使營生業若欲赴諸州縣者隨其所之當

時給文牒發遣不得止遏所至之處准前優賞率土之內莫非王臣雖陷寇中諒非獲已但能效順卽是平人務於招綏副朕所恤

甄獎陷賊守節官詔

沮勸二柄國之大綱獎善懲違固不可廢頃者賊臣構亂京邑震騷惟茲土人奔竄無所或從其誘脅遂染汙名或守以純誠竟全貞節昨所司奏議但舉刑章坐累者各已條疏守節者並已甄異忠正而不報豈朕意焉應在京百司及京兆府長安萬年兩縣去年十月三日見在職事官在城陷於賊中潛藏不受逆命并諸色前資官被僞署官爵頻遭迫脅首末不出事跡昭著衆所

明知者並委御史臺訪察勘覆其事勿容虛濫仍限今月內具名銜事跡聞奏五品已上及常叅官已授替者委中書門下與處分六品已下各減二選不拘考例聽集其未得資被替非時放選仍稍優與處分如已喪亡者並與追贈使恩加存歿以稱朕懷

令百寮議大禮期日詔

朕自遷越旋於京師將欲請罪祖宗告謝天地所司擇日行有期矣議者多以大盜之後人勞匪居懼愆歲功請俟農隙若俯順羣議則私懷不安將祇率典章又疲毗重擾夙夜憂惕用知所裁宜令中書門下與常叅官卽詳議折衷聞奏

不許諸軍侵擾勅

李希烈阻兵淮右虐害烝人朕哀憫無辜橫遭脅制若
興師行伐則玉石俱焚所以頻下詔書再三開諭曾無
悛革但益憑陵忠勇之徒皆思奮激朕悔於征伐務在
含容以一夫無良遂百姓罹禍安人忍耻初是素懷今
東作方興麥秋在近儻行侵抄深害農功一方之人實
足矜憫應與淮西接界州縣各委本道都統節度都防
禦團練等使明申前勅嚴設隄防務使農人遂其耕獲
賊若不先侵軼但自保守封疆勿令越境暴犯田苗及
有侵掠務宜朝化以洽遠人仍於所在界首明加招諭
咸令知悉

放淮西生口歸本貫勅

漢蘇武傳捕得雲中生口

遷徙家鄉分離骨肉有生之酷莫甚於斯朕撫育兆人
冀臻理道懲過不可以不罰原情不可以不矜將推內
恕之心用廣自新之路應從李希烈作亂以來諸道所
有擒獲淮西生口配隸嶺南黔中等道宜一切釋放歸
本道其投降人等權於諸州縣安置者亦任各從所適
令諸道募靈武鎮守人詔

朕以寡德君臨兆人憂四鄙之不寧懼一物之失所降

心以懷戎狄期息征徭極慮以綏蒸黎冀遂安輯諸

作夏岳牧咸能撫封九姓可汗舊唐回紇傳九姓者曰

胡斛盟素曰咄羅勿曰葛曰奚歌息訖曰阿勿嚆曰葛薩

敦好豪瀛之內其謂小康記禮運文註康安也言小安者失之則賊亂將作矣愛
人雖發於朕心濟理實由於藩輔豈惟非薄所致於茲
然獨吐蕃負恩背盟棄約尚勞師旅備禦西陲亦賴方
岳同心簡練傑俊助其防鎮遏彼奔衝數年以來邊境
寧謐乃眷靈武實惟雄藩扼東牧之咽喉控北門之管
鍵軍懸寇邇地遠勢孤雖無交切之虞須建久安之策
朕屬慮於此殆今累年晨思廢飡暮想忘寢征兵益戍
則憚其勞師移人實邊又念其離土朕欲令萬姓各遂
所安抑而使人情有不忍中懷結鬱罔知所從古人有
言主憂臣憤今朕憂矣將相牧守得不與我同其慮哉
此乃忠臣盡規之時勇士建功之日苟弘良筭必有其

人宜令諸道節度觀察使各於本管諸色人中募能赴
靈武鎮守者取其情願重設賞料仍須精選驍雄廣延
武藝便以本道諸色錢物給付仍優厚裝束發赴上都
每道各據所管州縣多少通計每州所募多不得過五
十人少不減二十人若欲將家口相隨便給資糧同發
遣如有戶貫在州者蠲免本戶差科其官健到日朕當
超資與官至鎮便替朕之此意非務廣兵欲使四方驍
雄俱到塞上壯邊城士旅之氣杜戎醜窺伺之心方岳
信臣所當相悉勿令騷擾副我憂人

陸宣公集釋義卷之十九終

陸宣公集釋義卷之二十一

Blank page with vertical lines for text.

陸宣公集釋義卷之二十一

日本 尾張 石川安貞 著

制誥 冊淑妃 唐后妃傳序唐因隋制皇后之下有王

冊淑妃 貴妃 淑妃 德妃 賢妃 一人為夫人 下有王

氏為皇后文 舊唐后妃傳德宗為魯王時納后 即位冊為淑妃貞元二年妃病冊

為皇后 是日崩

維貞元二年歲次丙寅十一月丁未十一日丁酉皇帝

若曰乾坤合德聖人則之惟帝承天惟后配帝嗣續百

代母臨萬邦位定于中而尊加於外德修諸已而化被

於人御於家邦所繫斯在三代崇替靡不由之 史外戚

之興也以塗山而桀之放也以未喜殷之興也以幽王之

紂之殺也嬖姐已周之興也以姜原及大任而幽王之

禽也淫予是以詢眾採賢重難茲命中壺虛位於今歷

於慶妣年陰儀或虧宗事無主缺於典禮朕甚愧焉稱是徽章

聿歸全德咨爾淑妃王氏天與淳粹氣鍾元和含章在

中易坤六三含章可貞註不為事始須發秀於外卓爾

風操穆然容輝周旋中規記玉進退有度仁愛恭儉稟

於生知詩書禮樂成自師氏詩萬壘言告師也竭其孝敬

祇事先朝承事無違克諧尊旨往居桂苑班固西都賦

官桂淑聞已彰洎奉椒塗漢官儀皇后以椒塗謙光載路

載論皇矣申夷言無伐善論語雍也文孔安國志在匪取

柔嘉自持詩蒸民柔嘉維喜愠莫見晉衛玠傳終身六

宮攸序周禮宗伯帥六九族以親書堯典親九族傳普

屬艱迪累從行幸思賢才以輔佐詩卷耳序卷耳后妃

臣子求賢審官知知臣下之勤勞臣下之勤勞庶績伊凝書皋陶謨庶

成頗資內助永念頃筐之志詩卷耳不盈頃筐箋器之

君子憂且懷求劍之情漢外戚傳宣帝養於掖庭號皇

思孫立為帝是時霍將軍有言上乃詔求微時故劍大臣知

立許白崇位長秋漢書註師古曰秋收成之時長永懷盛

典矧惟元子貞我萬邦稽以舊章是安從貴公羊隱元

貴今遣攝太尉某官某持節册命爾為皇后嗚呼敬哉

王教之端始於內範風美關雎之化雅詠思齊之德因

懈厥位忝於前修克念有終庶無後悔奉承休命可不

慎歟

冊嘉誠公主文

維貞元元年歲次乙丑六月甲子朔十二日乙亥皇帝

若曰王者以義睦宗親以禮敦風俗義之深實先於友

愛禮之重莫大於婚姻故春秋書萊館之儀穀梁傳萊館

于外祭禮也于外非禮也祭之為禮何也主王姬者易必自公門出於廟則已尊於寢則已卑為之祭節矣

象著歸妹之吉予是用祗考命典率由舊章咨爾嘉誠

公主孝友柔謙外和内敏公宮稟訓四德備修周禮九嬪婦德

婦言婦功疏邑啓封命為公主徽章所被禮實宜之今遣

光祿大夫檢校司徒同平章事汧國公勉持節冊命爾

惟欽哉下嫁諸侯詩何彼禮諒惟古制肅雍之德見美

詩人詩何彼禮矣曷不肅雖和和可以克家敬可以行已

奉若茲道永孚于休懋敦王風勿墜先訓光膺盛典可不慎歎

冊蜀王妃文

舊唐書蜀王廼代宗第十二子

維建中二年十一月某日皇帝若曰夫茂建親戚以敦

族固本明慎選納以厚別蕃嗣實人倫之始王教之端

也朕奉若謨訓允求淑哲賢必有象鍾慶於令門姻不

失親載光於戚里故某官駙馬都尉漢百官表駙馬都尉掌駙馬初學記

魏晉後尚主者田擇交第若干女生稟柔惠習知禮則

容德純備孝睦洽聞可以叶美好述詩關雎君子好輔

成樂善後漢東平王傳日者問東平王處是用使某官某

持節冊命為蜀王妃嗚呼敬之哉備禮以崇其好合詩常

隳妻于好合傳起家而榮其爵位非義信不固非溫順
言謂志意合也不親克恭匪懈則罔攸悔朕言必復可不慎歟

册祀王妃文

舊唐書肅宗第十子

維建中二年十一月某日甲子皇帝使某官持節册命
某官竇兢第若干女為祀王妃曰嗚呼禮以大婚崇繼
嗣本人倫之教謂哀公問古之為政愛人為大所以治
矣大昏為大禮為大所以治禮敬為大敬之至
王化之詩言淑女配君子繫王化之綱詩關雎序周南
無得叔女以配君子蓋率人成風由內及外得不采嘉
耦左傳桓二年以固盤石漢文帝紀地犬牙相刑閨門
以御家邦詳求惟難歷選茲久時乃之擇得于舊姻柔
婉稟乎天和禮樂成于家法明章婦順虔奉姆儀克茂

鵲巢之規詩序鵲巢夫人之德也國君積行累叶宜麟
趾之美詩序麟之趾其祗膺嘉禮欽率內教淑慎厥心
無替於後嗚呼可不慎歟

告謝吳丕帝册文

維貞元元年歲次乙丑十一月癸巳朔十一日癸卯嗣
天子臣某敢昭告于昊天上帝顧惟寡昧不克明道不
膺眷命俾作神主書咸有一德眷求一德俾作常恐獲
戾上下而播災於人兢兢業業夙夜祗畏居位五祀德
馨茂聞皇靈不歆是用大做殷憂播蕩踰歷三時誠懼
烈祖之耿光墜而不耀側身思咎庶補將來上帝顧懷
誘衷悔禍勦兇慝之凌暴雪人神之憤恥舊物不改神

心載新茲乃九廟遺休兆人介福以臣之責其何解焉
間屬寇虞久稽告謝今近郊甫定長至在辰禮郊特牲
迎長日也謹以玉帛犧齊粢盛庶品異馮禋燎式薦至誠
太祖景皇帝配神作主尚饗

告謝玄宗廟文

維貞元元年歲次乙丑十一月癸巳朔十一日癸卯孝
曾孫嗣皇帝臣某敢昭告于皇曾祖考玄宗至道大聖
大明孝皇帝皇祖妣元獻皇后楊氏楊知慶女臣猥承
聖緒獲主大器易說卦主器者莫若長子懼德不嗣靡所安寧任重
道悠竟貽顛越京闕生變神人無依臣懷永圖不敢自
棄忍恥含憤迨于載遷戴天履地俯仰慙惕率賴烈祖

遺澤感深于人人心攸歸天意允若肆予小子憑宗廟
之積慶易文言積善之家必有余慶再復于鎬京在臣愆尤曷云有
補豈敢自蔽以重于厥辜頃以冠孽在郊禮物未備久
稽告謝伏積兢惶今祇見闕宮詩傳闕閉也引慝請罪
謹以一元柔毛剛鬣明粢薌合薌其嘉蔬禮曲禮牛曰
曰剛鬣羊曰柔毛稷曰明粢黍曰醴齊周禮春官醴齊統
曰薌合梁曰薌其稻曰嘉蔬醴齊酌註齊為齊和之
齊因時備物虔奉嚴禋尚饗

告謝肅宗廟文

維貞元元年歲次乙丑十一月癸巳朔十一日癸卯孝
孫嗣皇帝臣某敢昭告于皇祖考肅宗文明武德大聖
大宣皇帝皇祖妣章敬皇后吳氏吳令璿女臣嗣服先

考

業不克負荷人流於下事失其中茲魁乘釁作亂京邑
播遷之咎臣實自貽震驚宗祧曠時乏祀外憂內愧若
墜深泉高祖諱淵故唐人以泉字勵已誓心期刷大恥實賴聖祖
中興之業全育兆人澤深慶遠流福裔嗣故上天悔禍
羣孽就誅非臣寡昧所能續服今祇率百辟見於廟廷
謹以一元大武柔毛剛鬣明粢薌其嘉薦嘉蔬醴齊備
物潔誠聿申告謝尚饗

告謝代宗廟文

維貞元元年歲次乙丑十一月癸巳朔十一日癸卯孝
子嗣皇帝臣某敢昭告于皇考代宗睿文孝皇帝伏惟
玄德廣運書大禹謨帝德廣運傳廣謂所覆者大運謂所及者遠重光盛業書顧命文

王武王宣重光武平多難仁育羣生謂臣克堪付以大寶臣自
底不類再罹播遷宗祧之享億兆靡依下辜人心上負
先顧敢愛隕越苟全眇身大懼社稷阽危以增九廟之
愧由是忍恥誓志庶補前羞列聖在天鑒臣精懇敷錫
丕祐俾之續承兗渠殄夷都邑如舊茲臣獲執犧牲珪
幣載見于廟廷感慕慙惶若罔攸厝謹以云云漢汲黯傳吾欲
云云師古曰猶言如此也陳誠待罪式奉嚴禋尚饗

祭大禹廟文

維貞元元年某月某日皇帝遣某官以牢醴之奠敬祭
于大禹之靈惟王德配乾坤智侔造化拯萬類於昏墊
書益稷洪水滔天下分九州於洪波
書禹貢序禹別九州隨山濬川任土

貢作經啓之功於今是賴巍巍蕩蕩無得而名顧以耿身
辱承大寶時則異於今古道寧間於幽明雖依聖垂休
諒非可繼而勤人勵已竊有所希迨茲八年理道猶昧
沴氣鬱結降為凶災邦無宿儲野有餓殍上愧明哲下
慙生靈夙夜憂惕如蹈泉谷所資漕運用拯困窮底柱
之間河流迅激舟楫所歷罕能獲全爰命工徒鑿山開
道避險從易涉安代危嗷嗷烝人俟此求濟仰祈幽贊
以集不功享于克誠庶答精意

策問賢良方正能直言極諫科

皇帝若曰蓋聞上古至道之君重拱無為以臨海內文苑
作四不理而人化不勞而事成星辰軌道風雨時若邈

乎其不可繼何施而臻此歟三代以來制作滋廣異文
質之變明利害之鄉威之以刑道之以禮敦其俗而彌
薄防其人而益偷豈澆淳必繫於時耶何聖賢間生而
莫之振也朕祗膺累聖之業猥居兆人之上乾居克乾
克文苑作勵如恐失墜憂濟庶務夕惕晨興永惟前王
之典謨是憲是則師大禹以崇儉論語泰伯篇菲飲食
法高宗以求賢史殷本紀武丁即位思復殷興夏啓
之征書序啟與有扈作周文之罰文苑作伐崇却旌
孝悌舉直言養高年敦本業平均徭稅黜陟幽明勵精
孜孜勤亦至矣然而浮靡不革理化不行暴亂不懲奸
犯不息五教猶鬱書舜典敷五教在寬註七臣未臻孝

天子有爭臣七人註謂三公及前疑後丞左輔右弼也卿黨廢尚齒之儀孟子公孫丑天

下達尊有三齒烝黎無安居之志賦入日減而私室愈貧

廉察日增而吏道愈濫意者朕不明歟文苑有勢不何

古今之事同而得失之效異也思欲剗革前弊創立新

規施之於事而易從考之於文而有據備陳本末將舉

而行無或憚煩略於條對自頃陰陽舛候履沴頻興仍

歲旱蝗稼穡不稔上天作孽必有由然屢推登科記

災其咎安在傳曰時之不乂厥罰常陰漢夏侯勝傳皇

誰云從今人靡蓋藏國無廩積朕屢延卿士詢訪謀猷

至乃減冗食之徒罷不急之務既聞嘉語亦已遵行而

晉五行志
引書大傳
曰言之不
從是謂不
又厥罰恒
陽

停廢之餘所費猶廣俟轉糧文苑於江徼則遠不及期

將搜粟於關中則撓而無獲節軍食則功臣懷怨省吏

員則多士靡歸中心浩然罔知攸濟子大夫蘊畜才器

通明今古副我虛求森然就列匡朕之寡昧拯時之艱

災畢志直言無有所隱

策問博通墳典達於教化科

皇帝若曰朕承祖宗之鴻烈獲主神器任大守重懼不

克堪思與賢士大夫共康理道虛襟以佇側席以求而

羣議紛然所見異指或牽古義而不變或趨時會而不

經依違以來七年於茲矣國制多缺朕甚愆焉今子大

夫博習墳典深明教化褒然充舉漢董仲舒傳子大夫

飾貌咸造于庭其極思精心以喻朕之未悟仲尼敘禮樂
 刪詩書修春秋廣易道六經之教所尚各殊豈學者修
 行理當區別將聖人立意本異宗源施之於時孰為先
 後考之於道何者淺深差次等倫指明其義夫知本乃
 能通於變學古所以行於今今之教人則異於是工祝
 陳禮樂之器而不知其情詩楚茨工祝致告生徒誦禮
 樂之文而不試以事欲人無惑其可得耶將革前非固
 有良術堯舜率天下以義比屋可封桀紂率天下以暴
 比屋可戮記大學堯舜帥天下以仁而民從之陸賈新語堯舜之民可
比屋而封桀紂之民可比屋而誅然則上之化下罔或不從而三仁比
箕子微子論語微子四凶驩兜三苗較然自異有教無類
子般有三仁焉

論語衛靈公文馬融曰豈虛言哉作樂移風此句記聞
言人在見教無有種類

諸音者矣至音希聲老子大音希聲文侯列國之賢君猶
 曰則惟恐寐記樂記魏文侯問於子夏曰矧彼流俗其
吾端冕而聞古樂則唯恐卧

能化乎將使天地同和災沴不作黎人不變茲慝不萌
 何施何為以致於此王者制理必因其時故忠敬質文
 更變迭救三代之際罔不由之史高祖紀夏之政忠忠
承之是以敬敬之傲小人以鬼故周人承之以自秦刻古

文是法秦孝公時用商鞅變法修刑為田開阡陌至漢雜霸
始皇分天下為郡悉變周禮事見秦本紀

道漢元帝紀宣帝曰漢家自紛淪千祀王教不興國家
有制度本以霸王道雜之

接周階之餘俗未淳一處都邑者利巧而無恥服田畝
 接周階之餘俗未淳一處都邑者利巧而無恥服田畝

禮記卷之二十一 九

者朴野而近愚尚文則彌長其澆風復質又莫救其鄙俗立教之本將安所從自昔哲王惟以三正互用尚書大傳

夏以孟春為正殷以季冬為正周以仲冬為正後之術士乃言五運相生漢郊祀志

騶子之徒論著終始五德之運劉向父子目為帝出于

震故包義氏始受木德其後呂母傳子終而復始漢得

帝焉故高祖始起神母夜號著赤以漢應火行則周為

木德禮稱尚赤記檀弓文義例頗乖永言於茲莫識厥理九

流得失之論九流儒道陰陽法名墨從歷代興亡之由

王鄭魏王肅鄭玄識理禮文苑作釋之異同公穀傳經之優劣

必精必究用沃虛懷

策問識洞韜略堪任將帥科
皇帝若曰朕遐觀典謨詳求理道三代之際粲然可徵

澤禮異同
鄭玄二十
七月禪王
肅二十五
月禪之類

未嘗不文武並興農戰兼務事見于周禮大司馬左傳隱五年故能居

則足食動則足兵兵足則威食足則固威則暴亂息固

則教化行理國之本實在於此秦漢已降王制不修選

士廢射御之儀教人無蒐狩之禮即戎者不知其稼穡

力本者罕習於干戈於是異文武之人分農戰之道守

則乏食征則鮮兵歷茲千年竟莫能復抑知者益寡將

行之惟艱歟朕念之甚勤思繼前躅良以軍旅之士役

成靡寧勲庸既多爵秩咸貴俾服田畝慮興怨咨仰給

縣官不可勝計由是版圖日減阡陌歲荒水旱小愆廩

餉咸竭欲使軍人悅歸於耜耒儒者兼達於韜鈴唐人行

用韜鈴字廣田萊盡耕攻取必勝誘人孔易其術安施

韻兵鈴

陸宣公集 卷之二十一

王者之師本於立德兵家之法方務出奇德以信成奇以詐勝理有違反將何適從宋襄成列而敗軍見嘉會

策公羊傳僖二十有二年宋公與楚人期戰于泓楚人入既濟未畢陳有司請迨其未畢濟而擊之宋公曰君子不厄人曰君子不鼓不成列已陳然後鼓之宋師大敗故君子也安其臨大事而不忘大禮以為雖文王之戰亦不過此也

韓信決囊以摧敵取貴漢朝漢韓信傳信定臨菑楚使龍首救齊信夜為萬餘囊使

盛沙以壅水上流引兵半渡擊龍首陽不勝還走龍首追渡水信決壅囊水大至龍且軍大半不得渡即急擊殺龍然則喪國亡身豈霸王之道冒危乘厄非仁誼之心所宜討論以定褒貶夫眾寡不敵克必以謀樂生下

齊史樂毅傳下齊七孫子破楚史孫武傳為闔廬西破彊楚魏武之勝袁紹見于後漢袁紹傳及魏志太祖紀事長不載宋高之滅姚泓見于晉傳

及宋高祖紀成敗之由備陳本末古人有言曰誅伐不事長不載前漢刑法志征伐可偃於天下不可偃於天下又曰善為國者不師梁穀

傳莊八年二端異焉其有深旨子房序次兵法任宏論誤軍書漢藝文志漢興張良韓信序次兵指明異同詳錄

名氏想聞商略擇善而行

答宰臣請停大禮表

朕失德致寇再經播越郊廟乏主禋祀曠時感憤積中憂愧形外日月以冀庶補前修賴天地降休祖宗儲慶再新景命祗復皇都自秋涉冬已遷於律候因心致享未展於孝思而公卿上言邀予以備物都鄙興誦諷予以勞人禮將俟於他年下不先於近日

景命詩既醉文爾雅景大也

感慕情實未安雖則嘉話重違其如至誠難抑所安參
會羣彥更擇近期無或因循以增不德

答百寮請停大禮表

朕再經播遷又曠禋祀不惟霜露之感實貽墜失之憂
賴先澤在人上帝臨我克平大難再復舊京朕之失德
非曰能補旋欲請罪宗廟展敬郊丘郊南郊丘合祭天地于南郊也
禮見于唐志迫以羣情俟於獻歲今滌牲撰吉甫及近期齋

心永懷明發不寢忽覽來表良深矍然雖嘉備慮之誠

實率昭事之意詩大明昭事上帝朕志先定期於必行即斷來

表也胡三省曰斷來表則閣門不復受其表也

答第二表

書大禹謨
朕志先定

國之大事首在祀典左傳成十三年國所宜嚴奉以達

至誠况今之所懷又異常日不克嗣守馴至寇戎淪陷

國都震驚園寢幸憑玄祐再續鴻休播越三時久虧禋

祀之禮旋歸半歲未申告謝之誠感愧積中若墜泉谷

坐而待曙孟子離婁坐以待曙且註欲急施之也及上春庶乎天地靈祗

以歆精意胡乃股肱卿士尚執疑謀出既不及告辭入

又廢於朝獻罔極之慕詩蓼莪欲報之德昊天罔極箋我心無已何心自安

宜潔乃誠以祗所奉副予懇切勿復頻煩

答第三表

三省來表深體乃誠明孝敬之大端陳安危之上計祗

率嘉話夫豈不懷永言思之固亦難抑進退慙惕罔知

所裁中宵求衣漢鄒陽傳孝文皇帝當饋忘食且聿修祀事所貴專精苟未至誠則如勿祭今近期甫及當齋潔敬之心而輿誦紛然猶執異同之論禮既虧於嚴奉事奚展於孝思以義制心此句書仲虺之語文勉依來請重予不德愧歎良深

答百寮賀利州連理木表

珍木呈祥允符靈貺顧惟不德何以當之朕聞人事聿修天休乃答今則兗渠尚在戎役方殷虐旱妨農飛蝗害稼諒咎徵之未弭曷嘉瑞而復臻所冀公卿大夫交匡不逮觀茲稱述益用懷慙

答宰臣請復御膳表

嘗覽典謨每嘉儉德愛人惜費是朕素懷况大兵之餘繼以荒饑軍儲國計資用皆空凋戶疲吐膏澤已竭致人於此過實在予內懷憂慙躬自損貶今兗渠殘滅粟麥豐成皆祖宗垂休非寡薄所致矧乎邦畿之內餒殍猶多役戍之徒傷夷未復孜孜訓戒克已增修猶懼辱守寶圖罔答玄祐豈宜暇逸以厚厥躬卿等誠在致君將順其美顧惟虛缺非所宜然

陸宣公集釋義卷之二十終

答百寮請復御膳表

頃者大勞不息，至化未孚，雨澤愆期，蟲蝗為害，朕以銷災謝譴，莫大於修誠，節用愛人，必先於克己。顧慚愆咎，躬貶膳羞，下以均衆庶之憂，上以答昊穹之儆。至誠或感，嘉應遂臻，宿麥方成，元兇已殄。慶深德薄，惕厲彌加，忽覽表章，過為稱述，雖將順其美，則白乃誠，而戒慎不忘，諒惟朕志未喻，來請沐體此懷。第二章目錄載之而於此闕如，今依吳本補之。

臣等謹將
百寮所請

臣等謹將百寮所請，伏乞聖鑒，謹奏。

